



*Inspection na fisafoana
Ataon'ny Scout manao fanamiana*



*Fitsidihana na famangiana
ataon'ny Komity mpiahy*

IREO OLONA AFAKA HILASY

Tsara ihany no manamarika fa tsy izay rehetra te hitsangatsangana akory dia mahazo milasy avokoa, ny tinaiza mahafeno ny fepetra ihany no entina milasy, ny ZK irery ihany no afaka manapaka raha azo entina ny tinaiza iray na tsia, mety tsy ho avelany hilasy ohatra :

- Ireo tsy nazoto nivory
- Ireo tsy manana fanamiana nefa efa ela (1 taona) nanaovana skoto
- Ireo tinaiza sarotra fehezina (maditra)
- Ireo tsy salama tsara (ndrao mihombo any an-dasy ny aretiny)

Tsy misy « fanamboarana na kolikoly » azo atao manoloana izany, hafa tsy ny fanampian'ny KP izay tsy ampy saran-dasy ihany!, marihina ihany koa fa **tsy azon'ny RAD na ny KP atao ny mitondra zaza na tanora mitovy taona amin'ny amin'ireo skoto (kanefa tsy mpilasy) any an-dasy na dia tsy ho ampiarahana valan-tsokajy @ tinaiza aza izy.**

NY FIHETSEHAM-PO ANY ANDASY

Nohon'ny fifampikasohana, ny serasera, ny havizanana, ny alahelo, ny fifaliana sns any an-dasy dia misy foana ny fivadiadiky ny fihetseham-po any an-dasy (fifankahalàna tampoka, fitiavana mitsiry, alahelo te hody, ady hevitra mandratra sns, voajanahary sy mpiseho ireny, ary ny mpitarika lasy mahay dia efa zatra matrika an'izany; ka aoka tsy ho taitra ny amin'ireny isika RAD,

Anjarantsika ZK, sy isika RAD no mifehy tena sy mifehy ny tinaiza mba tsy “hivaona” ireny fihetseham-po ireny !

Teny Famaranana:

Ry ray aman-dreny, Tonia , mpiara-miasa malala, misaotra anareo izahay @ firotsahanareo hanohana ny skotisma TOM, Ny tanjona amin'ny namoahana ity boky ity dia ny hampirindra kokoa ny fomba fiaraha-miasa misy any anivon'ny fivondronana sy hisorohana ny “hevitra tsy azo” ato amin'ny sehatra misy antsika tsirairay avy, sampana hafakely ity nirotsahantsika ity, hafakely amin'ny fomba fanao, hafakely amin'ny firafitra, kanefa tombotsoa manokana nomen'Andriamanitra ny sampana skoto izany, koa mahereza !, ary Adriamanitra anie hampitombo ny fanolorantena sy ny fanetretena ary fitiavana ananareo, hampahomby kokoa hatrany ity skotisma mamintsika ity!

Nandrindra :FL ANDRY
EKIPA NASIONALY T.O.M